















460

LE KARESME

ET MOEVRS DV
POLITIQUE,

Où il est amplement discoursu
de la maniere de viure, de
son Estat & Religion.

Par P. V. B. C.



A PARIS,

Par Pierre Mercier Imprimeur, demeurant
en la rue du bon Puis, à l'enseigne
de l'Escreuiffe.

M. D. LXXXIX.

Avec permission.

23

LEKARSKÉ

L. J. M. V. S. D. V. T.

Case

F 9

O. H. J. M. V. S. D. V. T.

L. J. M. V. S. D. V. T.

L. J. M. V. S. D. V. T.

1585 k

L. J. M. V. S. D. V. T.

THE NEWBERRY
LIBRARY

A PARIS.

L. J. M. V. S. D. V. T.

L. J. M. V. S. D. V. T.

L. J. M. V. S. D. V. T.



LE KARESME ET MOEVRS DV POLITIQUE,

Où il est amplement discouru de sa maniere de viure, de son Estat & Religion.

Par P. V. B. C.

DEDIE A MONSEIGNEVR
LE BARON D'AVTREY.

D Visque de tout tems ce n'a
esté chose commune ne
vulgaire de voir plusieurs
sectes de conuersans aux Republi-
ques; quelques bien ordonnées
qu'elles soient, tant moins pour le
iourd'huy nous sera-elle commu-
ne, & tant moins à esmerueiller si
nous en voyons aux Republiques
Françoises: Pour lesquels connoi-
stre on ne peult aller par autre che-
De cela
tesmoigne
ra M.
Antoine
aux Phi
lipp. de C
ceron.
Moyë por
connoistr
un Polit
que.

omme on
surplus
Teuremēt
onnoître
n' politi-
ne.

min, sinon pour les ouyr deuifer
& consecutiuelement par l'effect de
leur dessein: Car comme dient les
Philosophes, celle en vain est la
puissance qui ne se raporte à vn
Acte ou effect, & n'y a aucun moyē
de les pouuoir discerner, tout ainsi
qu'il sembleroit difficile de seque-
strer quelque Induidu ou singu-
lier de l'Vniuersel, si on ne les prêt
par leurs œuvres, & ne faut auoir
pœur qu'on ne lise clairement en
leur cerueau par la faculté de leurs
propos: Car si quelque chose s'obie-
cte à leur intellect de plus exquise
étosse & substâce, & qu'ils le vueil-
lent receuoir pour s'en couürir &
cacher, cest obiet là se tournera
en la substance de leur faculté in-
tellectuelle, tesmoin la secte Ari-
stotelique, qui dit que tout ce qui

5
 doit estre receu, se reçoit à la façon
 du Receuât, & affin que ie ne sem-
 ble extrauaguer & outre-passer les
 limites de mon suiet, apres que
 i'auray briefuement donné les cir-
 constances pour cognoistre, re-
 marquer & diuiser le Politique d'a-
 uec les autres: Je viendray main-
 tenant à expedier & deduire en peu
 de propos les mœurs & maniere
 de viure. Mais auant que i'entre
 plus auant en matiere, il ne sera pas
 impertinent de donner la defini-
 tion de ce mot Politique nouuel-
 lement vsité aux officines Fran-
 çaises: car tel parle de Politique
 qui ne sçait parauanture pas com-
 ment il se doit vsurper, d'autant
 qu'en ce lieu icy ce qui est Definy
 ne compete pas à ce que doit com-
 peter la Definition, s'uyuât l'homo-

*Que c'est
 que Politi-
 que.*

*Politique se peut
entendre en
deux for-
mes.*

*Comme au tems de
la conjura-
tion de Ca-
tilina, on
appelle les
bons Cito-
yens.*

*Pourquoy
le Politi-
que descou-
uert ne son-
ne plus
mot.*

nymie ou equiuoque de ce mot
qui se doit distinguer en ceste for-
te. Si Politique est celuy qui est
immédiatement delibéré pour la
commodité & aise de la ville, affin
que l'vtilité en redonde en sa mai-
son, sera celuy de qui nous faisons
mentio: mais nō pas celuy qui est
vrayment vni avec les autres ci-
toyens pour la conseruation du
bien public, qui ne se peut en-
tretenir sans celuy duquel il tient
l'Estre, qui est le souuerain Sei-
gneur. Pour donc venir à nostre
point pieçà estans paruenus à la
notice du Politique qui tallonné
de si pres, qu'estant attrapé le plus
subtillement du monde, il n'a ia-
mais peu faire ce qu'il faisoit au pa-
rauant, c'est à dire deceuoir le mon-
de de ce qui estoit dessous son

masque trompeur, tellement qu'il assigne icy le vray Tableau où sera depeinte sa maniere de viure . Or affin que les actiōs du Politique ne nous soient point cachees, ains du tout manifestes , il faut aduiser hardiment le regard d'iceluy qui par la faculté optique, c'est à dire la faculté qui prouient de la substāce de l'œil, donne quelque lustre en la face qui te promet quelque chose de bon , quelque mansuetude & benignité . Neantmoins cela n'y est point que par vne vertu intellectuelle. Mais ceste grace que l'on voit yssir de la substance oculaire ne vient pas de son propre mouuement, ains plustost par quelque puissance de l'intellect, ou entendement. Que si cela estoit de soy & de sa propre nature , alors nous

*Si cel
grace qu
procede
regard d
Politiqu
est nature
le.*

pourrions iuger que tels regards
 frāduleux & indubitablemēt arti-
 ficiels ne prouiēdroiēt point de la
 vertu oculaire : Car quelle est la
 cause, telest aussi l'effect, cepēdāt il
 vous attire si bien les gēs que vous
 diriez tout à fet que cela luy est na-
 turel, & que cela se doit attribuer à
 quelque perfection, de laquelle la
 mere de toute chose nature l'a
 doüé: de sorte que *tanta inest venustas*
in hisce radiis, ut rudiorum percussa penetret in
precordia, & vafra serpant in viscera flami-
nae. O finesse intollerable, ô yeux
 plus dangereux que non pas ceux
 d'vn Basilicque, ô impuden-
 ce effrontee. Contre-faire en ceste
 sorte la Nature? Vouloit de la façō
 adiouster vn hypocrite fard aux
 sens naturels, desquels ce grand ou-
 urier l'a perfectionné, comme s'il y
 defailloit

a ruzes
 ypoctise
 u Politi-
 me.

defailloit quelque chose: ô insigne
melchanceté non seulement de-
uant Dieu mais deuant les hōmes.

*O pazienza di Dio infinita, per che non casti-
gate questi catini & seditiosi Politici? per ri-
stituire tutti quanti gli Catholici che sono in
questo puerino Regno & lamentabile alla
pristina tranquillità, & potiano sempre essere
in tutto tempo nella pace.* Qui ne s'y fie

qui ne voudra, car les plus habilles
y sont pris. Ceux la vous semblent
constumierement monstrier vn
plain & rond visage, ce pendant
ils rampent soubs vos piés comme
vipereaux.

*L'adula-
tion & hy-
pocri. d'au-
cuns.*

*Qui legis flores & humi nascentia fraga,
Hinc fugite, ô Pueri, fugite hinc, latet an-
guis in herba.*

Mais quelqu'un me dira que ces
traicts & façons d'œillader ne peu-
uent pas estre que naturelles, vœu
que le regard des Vierges & fem-

mes est autāt attirant , neantmoins
cela leur est donné de nature . Ie res-
pons que la femme ou Vierge a ce-
la de propre que de regarder avec
vne certaine grace & venusté, &
qu'il n'y a point de proportion en-
tre ce qui est de soy & ce qui est par
Accident. En cela nous pourra ap-
prendre quelque chose Coluthus
Thebanus in Raptu Helen.

-- ἡ δ' ἐρέσσεν ἐπὶ χροὶ πῆξεν ὀσπὴν.

Quant aux actions du Politique,
ie ne les pourrois mieux parangō-
ner qu'à celles d'un Renard, lequel
Compa- raison des actions du Politique. toutes fois & quâtes quil scait vne
garēne bien fornée de lapins & où
les chasseurs n'y frequentent q̄ par
fois, il se delibere de si proprement
couvrir sa finesse sous vne peau
couuerte de douceur & gestes mi-
gnardes, que quād il se trouue en-

tre eux comme vn loup charou-
 pier entre vne innocente brebis, a-
 pres qu'ils se sont quelque espace
 de tés ioüez par enseble, & q̄ ce fin
 compagnon a bien ioüé son persó-
 nage fésant mille gambades, tout
 à vn coup il vous les egorge sur le
 champ. Voire mais cela ne se fet
 point qu'avec vne insigne adula-
 tió. Ces gestes tant accortes ne sont
 que pour flatter, & en apres trom-
 per son homme. En doutés-vous?
 Estimez vous qu'un Politique put
 vser de ses actions flateresses sinon *Que les*
 pour en ranger quelqu'un à sa po- *Etions*
 ste? Aussi si nous regardons la fin *Politique*
 de l'adulation, nous verrons qu'elle *ne peu*
 ne pourra consister en autre chose *pas e*
 sinon en vn certain particulier *sans adu*
 prouffit qui luy est adherant côme *tion.*
 à son propre subiet au dommage

de l'autre. Pour tout cela il ne laisse point d'aller son train, & à-par soy distrait des compagnies.

*Atque animum nunc huc celerem, nunc diuidit illuc,
In partēsque rapit varias p̄rque omnia versat.*

Immoritur studiis & amore senescit habendi.

Tantost on verra celuy-cy tout seché d'auarice, tantost ille horridus alter

Desidia, latāque trahens inglorius aluum.

Tantost on verra vn autre alongir le col comme vn Heron, *quo nil odiosius unquam*

Mobilitate viget virēque acquirit eundo.

inconstan
du Poli.
ue.

Qui plus inconstans que des giroüettes se laissent aller à tout vêt, de façon que si le vent viét du midy, ils se tournerót du costé du Midy, si du Septentrion ny plus ny moins. Miserable inconstance que tu ne tetiens en ton Cahos, & non pas faire ton séiour au penser des hommes. Toutesfois les Politiques s'y baignent cōme en vne fontaine de delices, & contrefont les borgnes aux choses qu'on scait bien

qu'ils voient clair, Ils s'en pourroient
bien quelque iour trouuer mal, car
la main du Dieu viuant est haute,
lesquels estans appelez pour ren-
dre conte de leur vie,

*Ergo exercentur pœnis, veterumque malorum
Supplicia expendunt, hi que panduntur inanes
Suspensi ad ventos, illis sub gurgite vasto
Insectum eluitur scelus aut exuritur igni.*

Si coustumierement le Politique *A quelle
va à la Messe, à bon droit ne peut il intentio le
pas meriter le nom de bon Catho- Politique
lique? voire vraymēt, mais il ne faut va à la
droit pas qu'il fait le dissimulé, ny Messe.*
par mesme moyen qu'on dit que
ce qu'il en fait ce n'est que par ma-
niere d'acquit, & que ce luy est as-
sez, pourueu qu'il ait le nom de bō
Catholique, & que quand on est à
Rome, il faut viure comme à Ro-
me. La grande mal-heurté, il aime-
ra mieux obeyr à son avarice que

aux commandemens de l'Eglise. O
 cupidité trop effrenée, mais com-
 me dit Phocylide, ἡ φιλοχρημοσύνη μίτηρ
 φιλότητος ἀπάσης. Si par cas d'aduantu-
 re il aduiēt qu'il soit interrogé com-
 me par hypothese de quelque hom-
 me de bien qu'il feroit, estant pres-
 sé de l'Heretique, sçauoir-mon s'il
 se ioindroit à luy à l'intention de
 sauuer ses biens, ou bien de resister
 pour n'estre estimé infidelle & in-
 fracteur des commandemens de
 l'Eglise. Il protestera avec toute im-
 pudēce qu'il aimeroit mieux mour-
 ir que renier le Christianisme. Et
 tout aussitost que la tempeste est à
 esmouuoir des vagues dans la ma-
 rine, il vous callera incontinent le
 voile. Brief ou soit que la tempeste
 s'eleue, ou soit que la mer soit cal-
 me, à l'instant de chaque accident

ne fait le
 alistique
 ur estre
 timé hom
 e de bien.

il s'accommodera. Mais n'est-ce pas
 vne belle perfection à vn homme
 de s'accommoder à toutes choses?
 se laisser aller tantost cy, tantost là?
 Qui vo'le nie? Les Ethicques d'A-
 ristote? Non non, les ionceaux & *Parang
du Poli*
 petits rameaux s'y accommodent *que au*
 bien, ils se laissent aller duquel co- *choses*
 sté il plait aux orages. Ces iours pas- *sensibles*
 sez ils'en trouua vn qui pensant e-
 stre bien asseuré extolloit iusques
 au troiziesme ciel ses complices &
 adherans, criât gros comme le bras
 que les ligües estoïët bien aucuglés
 qu'en vain ilz intentoient sur les
 Heretiques, qu'õ verroit en peu de
 tems qui auroit du meilleur, que
 cent soldats du Roy de Nauarre fe-
 roient plus que tous ceux de Paris,
 de sorte que cest homme de bien
 contoit si bien à son auantage, qu'il

infamie
u Politi-
ue.

luy sembloit aduis que c'estoit déjà fait. Mais combien qu'il pensast auoir affaire à quelque nierz. qui luy accorderoit tout ce qui mettoit en auant, comme c'est la coustume de telles gens de detracter de l'Vnion entre ceux qu'ilz pensent estre de leur farine, il fut contraint au mesme instant de chäter la Palinodie, car celuy qui l'ecoutoit ayât pl⁹ de sang aux ongles que luy quelque semblant qu'il n'en feist, l'accuse & le reprent d'auoir mespris & parlé contre la Religion Catholique, Apostolique & Romaine. Il cōmença tout incontinent à filler le plus doux qui fut possible, qu'il estoit fort bon Catholique, qu'il n'auoit mis en ieu ces propos & altercatiōs qu'en maniere de deuis. Vraymēt voila vne excuse fort pertinente?

fiez

fiez vous-maintenāt au Politique.

Sic mea cirneas fugiant examina taxos.

Au surplus, si nous voulons examiner plus exactement les mœurs du Politique, il nous faut venir à la Religion qu'il tient, à sa pieté, s'il y-en a, à sa penitence, & quel Dieu il reconnoit. Quant à sa Religion ^{Quelle} (si c'est Religion) elle ne peut estre ^{la religi} autrement appelée que reformee: ^{du Polit} que.

De pieté il ne sçait que c'est, sinon de chasser les pauvres orphelins & mendians à sa porte. Sa penitence, ^{Quelle e} son Karefme est autre que celui y la ^{sa peniten} que commande le Saint siege A- ^{ce & ka} postolique, car il dit que le poisson engendre le phlegme, qu'il rend ^{refme.} stupide le cerueau de sa visqueuse substance & froide-humide qualité, que boire d'eau est cause de dysurie, d'hydropisie, que c'est à fai-

re aux souris d'Homere de manger
des noix & des figues quand il dit.

Σύχως καὶ χαρπύσι καὶ ἐδέσμασι πάντοτε τοῖσι.

Qu'elles engēdrēt la toux & nui-
sent à l'estomach: De sorte qu'il a si
bien donné dessus Gal. au liure *περὶ
τῆς ἁγένης* qu'il ne fet autre diaite
pour penitance que de gibiers les
plus exquis quand il n'y en auroit
que cela au mode. A la verité voila
vne loüable penitence, mais elle
sent vn peu trop la cuisine. Somme
tout, il en est la logé, & si quelqu'un
l'en veut admoneter, cōme le deb-
voir de tout homme de bien le re-
quiert, il s'eleuera incontinent en
fursaut & le renuoyera plus d'une
lieuë loing, & que ce n'est pas à luy
affaire de luy faire la loy.

*irrogan-
& teme
é du Po-
ique.*

O pernicienſe outrecuidance? ô
execrable impieté? qui iamaſ avecu

lyon plus fier qu'un Politique? Qui
 a iamais veu vn tigre pluã cruel, vn
 Turc plus farouche, vn Sinon plus
 traistre, vn Calviniste plus ennemy
 de la vraye religiõ qu'un Politique?
 mais Dieu qui preuoit toute chose,
 & qui apres auoir laissẽ quelque tẽs
 conuerſer les mauuais avec les bõs
 comme les boucs avec les oũail-
 les, il les separera alors de leur cõ-
 pagnie, car il est si iuste qu'il ne
 veut pas touiours les bõs estre ve-
 xez par les meschans, ains plustost
 les oſtera, affin de mettre les siẽs en
 repos.

*Vos ergo, ô superi, & diuûm tu maxime Rector
 Christe, huius Galli quaſo miſereſcite regni,
 Et patrias audite preces: ſi numina veſtra
 Incolumem Pallanta ſibi, ſi fata reſeruant,
 Si viſuri illum viuant, palmámque reportent,
 Vitam orant, aliquemque ſinent durare labo-
 rem.*

Voila maintenant les mœurs &
maniere de viure du Politique
toutes manifestes, desquel-
les l'homme bien aduisé
se gardera comme
d'un Scorpion.



ODE A MONSIEVR
PERDVLCIS EXCELLENT
Medecin.



E tems de l'ire Saturnide
Confit d'humeur Acherontide
Ne donna iamaistant d'ennuis
A la race Deucaliemme

Quand Pleias à l'humide veine

La travailla d'ondeuses nuits

Que nostre siecle qui resone

Au bruit de sanglante Bellone

Sous la puissance de Manors,

Lequel appelle cete Erine

Qui d'une furieuse mine

Nous fait humer cent mille morts.

Ses sœurs aux tresses viperenses

A tout'heure seditieuses

Y viennent vomir leur venin,

Cete forcere Canidie,

L'impudique sœur de Clytie

Nous charme au chœur Hippocrenin.

Depuis la Tane froideuse

Jusqu'à la riue chaleureuse

Du fleuve sept fois embouché,

Depuis l'arène d'Iberie

Iusques à la grand' Hesperie

Le peuple est triste & tout fasché.

Autan d'un ardeur oragense

Bouffi d'une rage escumense

Se bande contre l'Orient,

L'odorant seiour de Sabee
Est de pestes tant oppressée
Qu'elle ne produit plus d'encens.

Le robuste Scythe barbare
D'errer çà & là moins auiare
Voulant au danger suruenir
Est couru iusque à ce chant Pole
Qui tout desaccordé carolle,
Mais est contraint de reuenir.

Le Gelomien voisinage
Qui n'a point faute de courage
Hardy en a fait tout autant,
Mais vne liure de Mastiche
Ou le cœur d'une grande biche
Cemal ne luy va point ostant.

L'air en estant venu en France
Ayant peinte au front la souffrance
Voit naistre vn monstre incontinent
Qui bat, qui tue, qui rauage
Courrant la terre de carnage
Vne orde Mephite balenant.

Il semble aduis que Briaree
Chasse Themys décheuelee
De l'Aganippide seiour:
La Princesse de Bæotie
De noz sœurs s'est esuanouye
Volant en l'estoillee cour.

Le peuple n'est plus qu'un nauire
Aux flots de l'humeur marinier
Qui vireuolte à tous bazars
Lequel apres quelque tornee

Et que l'onde est plus mutinée
Il est pressé de toutes pars,

Et par un vent eux Meteore
Du Po & du riuage More
Il se glisse au pied d'un rocher,
Lequel aussi tost ie renuerse
Et sur luy sa rigueur exerce
Sans auoir esgard au Nocher.

Aussi i'ay peur que ce grand monde
Voguant sur la mer furibonde
Privé du flambeau iournallier
Ne fasse un dangereux naufrage
S'il ne fet aux astres pour gage
Un sacrifice printanier.

Ad eundem Epigramma.

Sarmaticis video cœlum splendescere telis,
Audio luctifici stridere regna Dei.
Anne iterum fas est Typhonia cernere bella
Quæ Parthus demens atque Colossus amat?
Stat motu horrifono Manes mugire profundos,
Stat sæuo Aonias ense perire deas.
Iupiter hocce ferēs? has nō miseraberis vnquā?
Si furor in cursu est Pergamma nostra ruent.
Pergama nostra ruent? tumidas nauclerus in
vndas

Præcipitem æternū non sinit ire ratem.

FIN.















